

ქ. თბილისი

9 ივლისი 2015 წელი

ერთი მხრივ, სსიპ საქართველოს ტექნიკური უნივერსიტეტი (შემდგომში – შემსყიდველი), წარმოდგენილი ადმინისტრაციის ხელმძღვანელის ქეთევან ქოქრაშვილის სახით და მეორე მხრივ, ს/ს „ვისოლ პეტროლიუმ ჯორჯია“ (შემდგომში – მიმწოდებელი), წარმოდგენილი გენერალური დირექტორის ვასილ ხორავას სახით, ვხელმძღვანელობთ რა საქართველოში მოქმედი კანონმდებლობით, ვდებთ წინამდებარე ხელშეკრულებას შემდეგზე:

1. ხელშეკრულების საგანი და ობიექტი

1.1 ხელშეკრულების საგანია სახელმწიფო ბიუჯეტის სახსრებით შეკუმშული ბუნებრივი აირის (გაზის) (CPV09123000 – ბუნებრივი აირი) შესყიდვა, წინამდებარე ხელშეკრულებით გათვალისწინებული პირობების შესაბამისად, (გამარტივებული შესყიდვით, „სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის „ს“ ქვეპუნქტის შესაბამისად).

1.2 შესყიდვის ობიექტია 640 კუბ.მ. ბუნებრივი აირი (გაზი) (შემდგომში – საქონელი).

2. ხელშეკრულების ღირებულება

2.1 შესყიდვის ობიექტის ფასი განისაზღვრება ლარებში. ერთი კუბ.მ. ბუნებრივი აირის ფასი შეადგენს 1.25 ლარს.

2.2 შესყიდვის ობიექტის საერთო ღირებულება შეადგენს 800 (რვაასი) ლარს, რაც შეიცავს ხელშეკრულებით გათვალისწინებულ ყველა თანმდევ ხარჯს, მათ შორის, დ.დ.გ.-ს.

3. შესყიდვის ობიექტის ხარისხი

3.2 ობიექტის ხარისხი უნდა შეესაბამებოდეს საქართველოს კანონმდებლობით დადგენილ სტანდარტებს.

4. შესყიდვის ობიექტი მიწოდების პირობები

4.1 შესყიდვის ობიექტის მიწოდებას მიმწოდებელი უზრუნველყოფს ტალონური სისტემით, მიმწოდებლის გაზგასამართ სადგურებზე.

4.2 საქონლის (ტალონების) შემსყიდველისათვის გაცემა განხორციელდება ხელშეკრულების ხელმოწერიდან 2015 წლის 1 აგვისტომდე.

4.3 მიმწოდებლის სარეალიზაციო ქსელში შემავალი გაზგასამართი სადგურების მისამართები გამოქვეყნებულია მიმწოდებლის ვებ-გვერდზე www.wissol.ge და ცნობილია შემსყიდველისათვის.

5. შესყიდვის ობიექტის მიღება-ჩაბარების წესი

5.1 სატალონო სისტემით საქონლის გაცემა იწარმოებს შემდეგი წესით:

შემსყიდველის შეკვეთიდან არაუმეტეს ორი სამუშაო დღის ვადაში მიმწოდებელი ვალდებულია დაამზადოს და მიღება-ჩაბარების აქტის საფუძველზე გადასცეს შემსყიდველს (მის მიერ უფლებამოსილ პირს) მოთხოვნილი რაოდენობის გაზის ტალონები (5მ³ და 10მ³ გაზის ტალონის ნომინალებით). ტალონების შემსყიდველისათვის გადაცემის შემდეგ, მათი დაკარგვის, დაზიანების ან განადგურების რისკი გადადის შემსყიდველზე, ამასთან უკვე გადაცემული ტალონები არ ექვემდებარება დაბრუნებას ან სხვა სახეობის საქონლის ტალონებზე გადაცვლას. ტალონზე აღნიშნული უნდა იყოს:

- მიმწოდებლის ლოგო წარწერით „ვისოლი“;
- ტალონის ნომერი;
- საქონლის სახეობა;
- საქონლის რაოდენობა.

5.2 შემსყიდველისათვის გადაცემული ტალონები გააქტიურდება და მათი გამოყენება შესაძლებელი იქნება მხოლოდ შორის ტალონების გადაცემის თაობაზე მიღება-ჩაბარების აქტის

(ხელმოწერა)

(ხელმოწერა)

ცაფორმებიდან 1 (ერთი) საათის გასვლის შემდეგ. ტალონების დაკარგვის შემთხვევაში, თუკი შემსყიდველი გონივრულ ვადაში სამუშაო საათებში აცნობებს მიმწოდებელს დაკარგვის შესახებ წერილობით და მიუთითებს დაკარგული ტალონების ნომრებს, მიმწოდებელი უზრუნველყოფს აღნიშნული ტალონების დაბლოკვას, მათი შემდგომი გამოყენების თავიდან აცილების მიზნით. ამასთან, შემსყიდველს არ აქვს უფლება მოითხოვოს დაკარგული ტალონების სანაცვლოდ ახალი ტალონების ან/და ბუნებრივი აირის გაცემა. დაკარგული ტალონების პოვნის შემთხვევაში, შემსყიდველის წერილობითი მოთხოვნის საფუძველზე, მიმწოდებელი უზრუნველყოფს ტალონების აღდგენას (ბლოკირების მოხსნას). ამასთანავე, ბლოკირებამდე ტალონების გამოყენებით გამოწვეულ შედეგებზე ყველანაირი პასუხისმგებლობა და რისკები ეკისრება მხოლოდ შემსყიდველს.

5.3 საქონლის გაცემა ხდება ტალონის წარმომდგენ ნებისმიერ პირზე.

5.4 ტალონებზე საქონლის გაცემისას ტალონის ნაწილობრივი განადღება ან/და ხურდის დაბრუნება არ დაიშვება.

5.5 მიმწოდებელი ვალდებულია, ყოველი საანგარიშო თვის განმავლობაში გაზგასამართი სადგურებიდან შემსყიდველზე გაცემული რაოდენობის საქონელზე გამოუწეროს შემსყიდველს შესაბამისი ელექტრონული საგადასახადო ანგარიშ-ფაქტურა (შემდგომში – „ესაფ“), რომელიც ექვემდებარება ელექტრონულად დადასტურებას შემსყიდველის მხრიდან საგადასახადო კანონმდებლობით განსაზღვრული წესით. შემსყიდველს არც ერთი საფუძველით არ შეუძლია სადავო გახადოს მისი მხრიდან შესაბამისი „ესაფ“-ის ელექტრონულად დადასტურების ფაქტი, ასევე „ესაფ“-ში მითითებული საქონლის რაოდენობა და ღირებულება, ვინაიდან შესაბამის ელექტრონულ საშუალებებთან წვდომა გააჩნია მხოლოდ შემსყიდველს, „ესაფ“-ის ელექტრონულად დადასტურების პროცესი არ კონტროლდება მიმწოდებლის მიერ და შემსყიდველი თავად განსაზღვრავს იმ პირის ვინაობას, რომელიც უშუალოდ მოახდენს შემსყიდველის მხრიდან „ესაფ“-ის ელექტრონულად დადასტურებას.

5.6 წინამდებარე ხელშეკრულების მოქმედების პერიოდში ამავე ხელშეკრულების 5.1 პუნქტით გათვალისწინებული ტალონების მიღება-ჩაბარების შესახებ აქტების ხელმოწერაზე უფლებამოსილი პირი შემსყიდველის მხრიდან არის სტუ-ს წყალთა მეურნეობის ინსტიტუტის უფროსი ინჟინერი ზურაბ გოგუაძე, პ.ნ. 01026010635; და ეს უფლებამოსილება არ შეიძლება გახდეს სადავო შემსყიდველის მხრიდან. შემდგომში ამ პირის უფლებამოსილების გაუქმება ან შეზღუდვა იურუდიულ ძალას შეიძენს მხოლოდ იმ შემთხვევაში, თუ მიმწოდებელს წერილობით ეცნობება ამის თაობაზე ან თუ მხარეთა შეთანხმებით შესაბამისი ცვლილება შევა წინამდებარე პუნქტში. სხვა პირისათვის ამ უფლებამოსილების მისანიჭებლად ასევე საჭიროა შესაბამისი წერილობითი მინდობილობა ან მხარეთა შეთანხმება.

6. ანგარიშსწორების ფორმა, გრაფიკი (ვადები)

6.1 მიწოდებული ობიექტის ღირებულების ანაზღაურება მოხდება ლარებში, უნაღლო ანგარიშსწორებით.

6.2 შემსყიდველი იღებს ვალდებულებას გადაუხადოს მიმწოდებელს გაზის საფასური შემდეგ ვადებში: გაზის ტალონების გადაცემაზე (პ. 5.1) შესაბამისი მიღება-ჩაბარების აქტის გაფორმებიდან არაუგვიანეს 7 (შვიდი) კალენდარული დღის განმავლობაში, ამავე აქტში მითითებული შექმნილი გაზის საერთო რაოდენობის შესაბამისად.

7. მხარეთა უფლება-მოვალეობანი

7.1 შემსყიდველს უფლება აქვს:

- შეამოწმოს მიწოდებული საქონლის შესაბამისობა ხელშეკრულებით გათვალისწინებულ პირობებთან;
- განახორციელოს კონტროლი და ზედამხედველობა მიმწოდებლის მიერ ხელშეკრულების პირობების დაცვაზე;
- უარი თქვას უხარისხო საქონლის მიღებაზე.

7.2 შემსყიდველი ვალდებულია:

- წერილობით აცნობოს მიმწოდებელს საქონლის მიწოდებასთან დაკავშირებული ყველა განსაკუთრებული გარემოების შესახებ;
- მოახდინოს ანგარიშსწორება მიმწოდებელთან ხელშეკრულებით გათვალისწინებული პირობების შესაბამისად;
- დაიცვას ხელშეკრულების სხვა პირობები.

(ხელმოწერა)

7.3 მიმწოდებელს უფლება აქვს:

(ხელმოწერა)

- მოსთხოვოს შემსყიდველს მიწოდებული საქონლის ღირებულების ანაზღაურება ხელშეკრულებით გათვალისწინებული პირობებით;

7.4 მიმწოდებელი ვალდებულია:

- გააფრთხილოს შემსყიდველი საქონლის მიწოდების პროცესში შეფერხების შესახებ;
- დაიცვას ხელშეკრულებით გათვალისწინებული ყველა პირობა.

8. მხარეთა პასუხისმგებლობა ხელშეკრულების დარღვევისას

8.1 შემსყიდველი უფლებამოსილია საქონლის მიწოდების ვადის გადაცილების შემთხვევაში, დააკისროს მიმწოდებელს პირგასამტეხლო ყოველ გადაგადაცილებულ დღეზე დროულად მიუწოდებელი საქონლის ღირებულების 0.1 პროცენტის ოდენობით.

8.2 გადახდის ვადის გადაცილების შემთხვევაში, მიმწოდებელი უფლებამოსილია დააკისროს შემსყიდველს პირგასამტეხლო ყოველ გადაგადაცილებულ დღეზე, გადაუხდელი თანხის 0.1 პროცენტის ოდენობით. ასეთი უფლებით მიმწოდებელმა შეიძლება ისარგებლოს მხოლოდ საკუთარი შეხედულებისამებრ და იგი არ წარმოადგენს მის ვალდებულებას.

8.3 იმ შემთხვევაში, თუ ვადების გადაცდენისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 3 პროცენტს, მეორე მხარეს უფლება აქვს შეწყვიტოს ხელშეკრულება.

9. ხელშეკრულების მოქმედების ვადა

9.1 ხელშეკრულების მოქმედების ვადა განისაზღვრება ხელშეკრულების ხელის მოწერის დღიდან მიმდინარე წლის 30 სექტემბრამდე.

10. ხელშეკრულების პირობების გადასინჯვის შესაძლებლობა

10.1 წინამდებარე ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

10.2 საქართველოს სამოქალაქო კოდექსის 398-ე მუხლით გათვალისწინებული საფუძვლის არსებობისას, მიმწოდებელი უფლებამოსილია შეცვალოს (გაზარდოს) საქონლის ღირებულება, რის შესახებ ის 10 დღით ადრე წერილობით აცნობებს შემსყიდველს. საქართველოს სამოქალაქო კოდექსის 398-ე მუხლით გათვალისწინებული პირობის დადგომის შემთხვევაში, დაუშვებელია თავდაპირველად დადებული ხელშეკრულების ჯამური ღირებულების 10%-ზე მეტი ოდენობით გაზრდა.

11. ფორს-მაჟორი

11.1 მხარეები არ არიან პასუხისმგებელი თავიანთი ვალდებულებების სრულ ან ნაწილობრივ შეუსრულებლობაზე თუ ეს შეუსრულებლობა გამოწვეულია ისეთი გარემოებით, როგორცაა წყალდიდობა, ხანძარი, მიწისძვრა და სხვა სტიქიური მოვლენები, აგრეთვე ომები და საომარი მოქმედებები, თუ ისინი უშუალო ზემოქმედებას ახდენენ ხელშეკრულების შესრულებაზე. ხელშეკრულების შესრულების ვადა გადაიწვეს შესაბამისი დროით გარემოებათა დასარულების შემდეგ.

11.2 თუ სახელშეკრულებო ვალდებულების მთლიანი ან ნაწილობრივი შეუსრულებლობის პირობები გაგრძელდება ერთ თვეზე მეტ ხანს, მხარეებს უფლება აქვთ შეწყვიტონ ხელშეკრულების მოქმედება დამატებითი კომპენსაციის უფლების მოთხოვნის გარეშე.

11.3 მხარე, რომელსაც შეექმნა ფორს-მაჟორი გარემოება, დაუყოვნებლივ აცნობებს მეორე მხარეს ამის შესახებ.

12. დაგები და მათი გადაწყვეტის წესი

12.1 ხელშეკრულების შესრულებისას მხარეთა შორის წამოჭრილი დაგები ან აზრთა სხვადასხვაობა შესაძლებელია გადაწყვეტილ იქნას ორივე მხარის ერთობლივი მოლაპარაკების საფუძველზე. შეთანხმების მიუღწევლობის შემთხვევაში, მხარეები მიმართავენ სასამართლოს, საქართველოს კანონმდებლობის შესაბამისად.

(ხელმოწერა)



(ხელმოწერა)

13. ხელშეკრულების შესრულების კონტროლი

13.1 მიმწოდებლის მიერ ხელშეკრულებით ნაკისრი ვალდებულებების შესრულების კონტროლი, ხელშეკრულების მოქმედების მთელი პერიოდის განმავლობაში, ეკისრება შემსყიდველის მიერ შექმნილ ინსპექტირების ჯგუფს. მიმწოდებელი ვალდებულია საკუთარი ხარჯებით უზრუნველყოს კონტროლის შედეგად გამოვლენილი საქონლის ყველა დეფექტის ან ნაკლის აღმოფხვრა, საქართველოს კანონმდებლობით დადგენილი წესით.

14. სხვა პირობები

14.1 არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

14.2 მესამე პირებთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

14.3 ხელშეკრულება შედგენილია ქართულ ენაზე ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან (ერთი პირი შემსყიდველთან და ერთი პირი მიმწოდებელთან). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

14.5 წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

15. მხარეთა რეკვიზიტები და ხელმოწერები

შემსყიდველი:

საქართველოს ტექნიკური უნივერსიტეტი
მის: ქ. თბილისი, ვაკე-საბურთალოს რაიონში
კოსტავას ქ., №77
სახელმწიფო საზინა
ბანკის კოდი TRESGE22
ა.ა. GE24NB0330100200165022
ს/კოდი: 211349192

მიმწოდებელი:

ს/ს „ვისოლ პეტროლიუმ ჯორჯია“
მის: ქ. თბილისი, ი. ჭავჭავაძის გამზ. №74ბ
ს/ს „თიბისი ბანკის“
მარჯანიშვილის ფილიალი
ბ/კოდი: TBCBGE22
ა/ა № GE48TB1100000018467453
ს/კოდი: 202161098

ადმინისტრაციის ხელმძღვანელი



ქეთევან ქოქრაშვილი

ს/ს „ვისოლ პეტროლიუმ ჯორჯიას“
გენერალური დირექტორი

გ. ხორავა



სყუ-ს წყალთა მეურნეობის
ინსტიტუტის დირექტორი
გ. გავარდაშვილი

[Handwritten signature]

[Handwritten signature]


[Handwritten signature]

ხელწერილი ინტერესთა კონფლიქტის არარსებობის შესახებ


ხელმოწერით ვადასტურებთ, რომ სახელმწიფო შესყიდვების შესახებ კანონის მე-8 მუხლის მოთხოვნათა შესაბამისად, არ ვიმყოფები ინტერესთა კონფლიქტში სს „ვისოლ პეტროლიუმ ჯორჯია“-სთან.

სტუ-ს შესყიდვების დეპარტამენტის
მთავარი სპეციალისტი

რ. ჩიქვინიძე




სტუ-ს წყალთა მეურნეობის ინსტიტუტის
დირექტორი



გ. გავარდაშვილი

სტუ-ს ნაგებობების, სპეციალური სისტემებისა
და საინჟინრო უზრუნველყოფის ინსტიტუტის დირექტორი



ნ. წიგნაძე